



**Inatsisartunut ilaasortaq Palle Christiansen, Demokraatit  
Inatsisartut Allattoqarfiat  
/Maani**

**§ 37 tunngavigalugu 2013-mi apeqqummut nr. 43-mut akissut**

Inatsisartunut ilaasortaq Palle Christiansen, Demokraatit, Naalakkersuisunut imatut apeq-quteqarpoq:

1. Julie Rademacher Naalakkersuisut siulittaasuata Aleqa Hammondip tusagassi-ornermut ataqatigiissaarisuatut Namminersorlutik Oqartussani atorfinitsin-neqarnikuua taamaassimappat, tamanna qanga piva?
2. Uppernarsarneqassappat Julie Rademacher Namminersorlutik Oqartussani atorfinitsinneqarsimasoq kissaatigaara paasissallugu, Naalakkersuisut siulittaasuata, atorfinnik inuttassarsiuinermit tunngatillugu ingerlatsinermut inatsisit malissimanerai.
3. Julie Rademacher Namminersorlutik Oqartussanit atorfinitsinneqarsimangip-pat, kissaatigaara paasissallugu, qaammammi uani Naalakkersuisut siulittaasuata pisortatigoortumik Københavnimut tikeraarneranut atatillugu Julie Rade-macherip angalaqataanera Namminersorlutik Oqartussanit ilaannakortumik tamakkiisumilluunniit akilerneqarsimansoq.

Apeqquut 1-mut tunngatillugu:

Ilisimatitsissutigineqarsinnaavoq Julie Rademacher Naalakkersuisut Siulittaasuannut tu-sagassiornermut ataqatigiissaarisutut atorfinitsinneqangimmat.

Naalakkersuisut ivertinneqarnerinut atatillugu Naalakkersuisut ivertinneqarnerini aamma tusagassiornermut ataqatigiissaarisumik atorfinitsitsisoqarnissaata tungaanut atassute-qarnermi siunnersuineq pillugu atassuteqarneq pillugu suliffeqarfik Pilu isumaqatigiissu-teqarfigineqarpoq. Tassunga ilanngullugu Naalakkersuisut Siulittaasuata Danmarkimi pi-sortatigoortumik siullermik angalaneranut atatillugu. Suliaq Pilu sinnerlugu Julie Rade-macherimit isumagineqarpoq.

Apeqquut 2-mut tunngatillugu:

Apeqquutip 1-ip akissutaanut innersuussisoqarpoq.

Apeqquut 3-mut tunngatillugu:

Atassuteqarneq pillugu suliffeqarfimmik Pilumik isumaqatigiissutit ilaatut suliap naam-massineqarnissaanut atasut aningaasartuutit akilerneqassapput. Tassunga ilanngullugit angalanermi aningaasartuutit.

Inussiarnersumik inuulluaqqusillunga

Aleqa Hammond

10. maj 2013  
Sagsnr. 2013-083243  
Dok. Nr. 1202109

Postboks 1015  
3900 Nuuk  
Tlf. (+299) 34 50 00  
Fax (+299) 32 50 02  
E-mail: govsec@nanoq.gl  
www.nanoq.gl



23. april 2013

Inatsisartut Suleriaasianni § 37 naapertorlugu Naalakkersuisunut apeqqut imaattoq matumuuna saqqummiuppara:

Naalakkersuisunut apeqqut Naalakkersuisut siulittaasuata Aleqa Hammondip tusagassiornermut ataqatigiissaarisumik atorfinitsitsisimanera pillugu:

1. **Julie Rademacher Naalakkersuisut siulittaasuata Aleqa Hammondip tusagassiornermut ataqatigiissaarisuatut Namminersorlutik Oqartussani atorfinitsitsinneqarnikuua taamaassimappat, tamanna qanga piva?**
2. **Uppernarsarneqassappat Julie Rademacher Namminersorlutik Oqartussani atorfinitsinneqarsimasoq kissaatigaa paasissallugu, Naalakkersuisut siulittaasuata, atorfinnik inuttassarsiunermit tunngatillugu ingerlatsinermit inatsisit malissimanerai.**
3. **Julie Rademacher Namminersorlutik Oqartussanit atorfinitsinneqarsimangippat, kissaatigaara paasissallugu, qaammammi uani Naalakkersuisut siulittaasuata pisortatigoortumik Københavnimut tikeraarneranut atatillugu Julie Rademacherip angalaqataanera Namminersorlutik Oqartussanit ilaannakoortumik tamakkiisumilluunniit akilerneqarsimansoq.**

(Inatsisartunut ilaasortaq Palle Christiansen, Demokraatit)

#### Tunngavilersuut

Sermitsiaq.AG-p paasivaa, Naalakkersuisut siulittaasuata Aleqa Hammondip socialdemokraatit sinnerlugit folketingimi ilaasortaasimasoq Julie Rademacher, siulittaasumut tusagassiuutinut akisussaasutut imaluunniit tusagassiornermut ataqatigiissaarisutut atorfinitsinneqarsimasoq. Taama nalunaarpoq Sermitsiaq.AG nittartakkamini ulloq 11. arpil.

Aqaguanili Sermitsiaq.AG nalunaarutigisaminik ilumuunnginneraavoq:

*“Namminersorlutik Oqartussat paasissutissiisarfiannit tusakulasorsuunngilagut, ullumili piunasaqarput Julie Rademacherimik, Aleqa Hammondip tusagassiornermut pisortaatut atorfinitsitsimaneraanermik, Sermitsiaq.AG ilumuunnginneraassasoq. Namminersorlutik Oqartussanit oqaatigineqarpoq, Tusagassiivimmi tusagassiinermit pisortaq suli tassaasoq Sofia Geisler taamaattumik Sermitsiaq.AG peqquneqarpoq oqaluttuani paatsuugassaangitsumik ilumuunnginnerassagaa,”* taama ilaatigut allappoq Sermersitsiaq.AG.

Peqataanik Naalakkersuisoqarfimmi pisortaanerugallartoq Sermitsiaq.AG-p issuarpa oqartoq, Siulittaasup pisortaqarfiata Siulittaasup Aleqa Hammondip tusagassiornermi ataqatigiissaarisusnaanik atorfinitsitsinissani eqqarsaatigigaa. Sermitsiaq.AG-p inerniliuppaa, naatsorsuutigisariaqarlugu Julie Rademacher – atorfinitsinneqarallarsimasoq – Siumumit.

Ulloq 15. april – ullut pingasut qaangiummata – KNR-p nittartagaani atuarneqarsinnaalerpoq Aleqa Hammond Danmarkimiittoq, siulittaasutut perngaammik pisortatigoortumik angalalluni, ilaatigut ingiallortigalugu tusagassiornermut ataqatigiissaarisoq Julie Rademacher.

Taava apeqqutaalerpoq, Københavnimut angalanerup nalaani Julie Rademacher Siumumit imaluunniit Namminersorlutik Oqartussanit atorfinitsinneqarsimansoq. Tamanna sooruna pingaaruteqarpoq angalanermit akiliisusaaq eqqarsaatigalugu. Kisiannili Julie Rademacher Namminersorlutik Oqartussani atorfilittatut angalaqataasimappat taava apeqqutaalissaaq, Naalakkersuisut siulittaasuata atorfik inuttarsarsiorlugu allagarsiinissaaq eqqaamasimaneraa. Taamatummi pisoqartussaavoq pisortani atorfiit



inuttassarsiorneqartillugit. Arlallit eqqaamassagunarpaat folketingip ombudsmandia akulerutsinneqarmat, overborgmester Frank Jensen socialdemokratineersoq, ivertinneqarsimatsiarluni paarteeqatiminik arlalinnik atorfinitsitsimmat.

Folketingip ombudsmandia taamani oqarpoq:

*"Pisortani atorfiit inuttassarsiuunneqartillugit tunngaviusumik piumasaqaataavoq atorfinitsitsisussap atorfinitsitsisarnissaa, qinnuteqartumik ataatsimut nalileereernerup kingorna, tamanit piginnaaneqarnerpaatut isigineqartumik. Qinnuteqartumik piginnaaneqarnerpaatut isigineqartumik atorfinitsitsisiniarnermut atatillugu oqartussaafiup ugartussavai atorfimmu qinnuteqartussat sapinngisamik amerlanerpaat. Tamatuma angunissaanut pingaaruteqarpoq oqartussaaffiup atorfik inuttassarsiorlugu sapinngisamik amerlanerpaat takusinnaasaannik allagarsiinissaa, qinnuteqarumaartussanut ilisimaqqullugu atorfik inuttassarsiuunneqartoq, soqutiginnittut qinnuteqarnissaminnut naammaginartumik piffissaqartinneqassasut kiisalu qinnuteqartut akornanni piukkunnartut oqaloqatiginarlugit aggersarneqassasut."*

(Link: [http://www.ombudsmanden.dk/find/udtalelser/beretningssager/alle\\_bsager/2010-20-4/](http://www.ombudsmanden.dk/find/udtalelser/beretningssager/alle_bsager/2010-20-4/))

Eqqaamangilara Namminersorlutik Oqartussat atorfimmik inuttassarsiuussisimanersut, kisianni aamma imaassinnaavoq Julie Rademacher Aleqa Hammondimut tusagassiornermut ataqatigiissaarisutut angalaqataasimassasoq, Siumumi atorfilittut tassanngalu akiliunneqarluni. Kikkut tamat soqutigaat tamatuma uppearnarneqarnissaa.

Apeqqutit akeqquneqarputy ullut sulliviit naliginnaasut qulit qaangiutsinnagit, tigusinermiit.